

禪門逸書

密藏禪師遺稿

二卷

〔明〕道開撰

嘉興藏本

承

國立中央圖書館惠借 石頭庵集、石頭庵寶善堂詩集、雲外錄、曇英集 原稿
謹此致謝

W&S/P/23

密藏禪師遺稿解題

明復

密藏開公承紫栢之緒，移俠情作佛事，於大法陵夷，僧林凋敝之日，奮身入魔，力挽狂瀾，虎虎然，具萬人莫禦之勢，誠足以振疲警頑，覺世醒人矣。所謂「英雄佛子」，豈此之謂耶。

緣明之太祖逞一己之私，謀一家之利，藉王力自在，屈無上法而陰翊帝道，擅立僧制，設僧官，曲解聖言，刑戮佛子，致使真丹國中，二百年竟無佛法。其晚際也，教化以是廢墮，綱紀以是解紐，國幾不國，人已非人。時紫栢年方少壯，不平於心，肆其矯異，仗劍去鄉，將大有爲於當世，固俠者事耳。然雨中遇僧，相將入寺，睹尊象而興道念，聞梵唱而釋俗情，遽引法界有情之慧命以爲己任，則已臻俠道之極矣。末後更於台山冰窟中偶見安禪老僧，一交語而頓悟本來，人我情盡，圓鏡智成，遂化俠道爲菩薩行。禪冊所謂百尺竿頭，更進一步，或即此也。

密藏之向道，亦復如此。其於弱冠之年，甘易藍衾而服氈褐，棄世榮一如敝屣，苟無俠情，豈易爲哉。或以爲密藏潦倒場屋，失意舉業，藉翦削以洩憤耳。其實不然，當知明室將傾，百事顛倒，爲惡享譽，行善致殃，忠愛之士，莫知所爲，若金正希，張墨貞輩，相率皈依，尋求安身立命之方。一朝悟澈，得大自在，放大光明，臨大節時，不爲生死榮辱所拘，損軀效命，如拾芥耳。試觀密師入道多年，每慮王業陸沉，一言及之，輒雨淚不已，故知其忠愛之情未盡，溝壑之志猶存。特金張之倫耳，猶未足言。乃後瓢笠雲水，徜徉江湖，於廢藍中，捫讀斷碣，因知元際越郡，有藏經七版。明季舉國，僅南北二藏。遂發宏誓，募刻方冊。此固隨機啓發，佛子本分，然能所之分依舊，人我之執仍堅，雖屬道人職份，實則俠氣陵燄也。迨至得見紫栢，相與對坐，引古今，論性命，盡三晝夜，滔滔傾吐如江河之橫決，直待其鋒拙辭盡，紫栢始語之云：「吾以汝爲奇男子，乃含涕矢噴人耶。師方驚悟，流汗透體，伏地叩首，乞求法要，至此始轉俠情爲道念矣。唯其事師，依附杖履，幾二十年，勸募刻經，均能先人，獨於末後紫栢挺身赴王難日，竟刺血作書，勸阻其事，未待師覆，竟棄霄遁去，其意氣恣縱，行止輕率，猶燕山道上遊俠兒也，方之唐朝法琳、宋代法道，相去不知幾百千里矣。無怪紫栢覽其書，竟至墮淚而泣曰：「吾尚有一副鉗鎚，斯人已去，無所用之矣。」此如實稱性之語，非英雄欺人之言，意謂其道業有未所及處，自甘負一簣之失，明師亦莫奈其何。

然，密師亦有其爲常人難及處也。如所定楞嚴寺規約，乃欲革甲乙院數百年腐敗學理之積習，光復古叢林淳樸煥發之風氣。唯以王難未戢，艱險未已，佛寺若贅瘤附人，豈容自逞所欲哉。此時勢有負於密師，非師不識時勢也。

密藏禪師遺稿詳目

明文書局編輯部 編

密藏開禪師遺編序	釋道盛	一
密藏禪師遺稿序	錢謙益	三
密藏禪師遺稿序	于元凱	四
密藏禪師遺稿序	王祺	五
刻大藏願文	釋中衍	六
小序	釋道開	六
願文一	曾乾亨	七
願文二	傅光宅	七
願文三	瞿汝稷	七
願文四	唐文獻	八
願文五	曾鳳儀	八
願文六	徐琰	九
願文七	于玉立	九
願文八	吳惟明	一〇
願文九	袁黃	一〇
刻藏發願文一	釋法本	一一
刻藏發願文二	釋法本	一二
念雲勤上人接管寂照刻場緣		
起實紀	繆希雍	一四
刻大藏願文	孫萬里	一四
密藏禪師定制校訛書法		一五
上慈聖皇太后 募刻大藏文		一六

刻大藏願文	刺血書經願文	一七
與慈山老師		一八
與妙峰老師	與陸五臺少宰	一九
上本師和尚		二〇
復陸五臺大司空		二一
與龍泉兩堂上中下座諸師		二二
復空印法師		二二
與沈恒川居士		二三
與王宇泰董玄宰兩居士		二四
與都門檀越二書		二五
與桂峰師	與釋菴師	二六
與東禪月亭老師	與平廓師	二七
與幻居師	與仰崖座主	二八
與汪伯玉居士		二九
與汪仲淹居士		二九
與王弇州居士		二九
與周鳴宇居士		二九
與馮開之居士	與松谷老師	三〇
復曾舜徵居士		三〇
與于中甫居士		三一
與繆仲淳居士		三二
與太原王龍池居士		三二
與傅伯俊侍御		三二
又與馮開之居士		三三
與松江康孟修居士		三三
與吳江周仲大沈及菴吳孚泉		三四

卷下

三居士		三四
與吳康虞居士		三五
與瞿元立居士		三五
與賀知機伯仲		三五
與徐孺東尚寶		三六
與顧襟宇少參		三七
復王元美居士		三七
楞嚴問答機緣		三七
與王龍池方伯		三七
與徐文卿居士		三八
與傅侍御		三九
與某		四〇
與眞實居士七書		四一
上本師和尚	與徐海觀居士	四五
與曹林師兄		四六
與曙天師弟	與李次公居士	四七
又與曙天師弟	與忠菴師	四八
與沈及菴吳孚泉周仲大周		四八
季華四居士		四八
與朱濟川樂子晉二居士		四九
復董玄宰太史鏡喻辨		四九
與孫仲來王宇靖于中甫三居		五一
士		五一
與徐孟孺康孟修陸中復三居		五二
士		五二

與公錫居士	五二
與幻居師兄 與傅俊居士	五三
與汪仲淹居士	五三
與曾舜徵居士	五三
與馮開之居士	五四
與賀知機伯仲	五四
與大司空陸五臺	五五
與張梅村居士	五五
與陸五臺大司寇	五五
答岳石帆居士時石帆以時事	
上疏侯旨長安門以八行報	
不佞有云偶逐有爲元非住	
相業且將臭皮囊俟廷杖云	
云	
與黃貞父居士	五六
與文卿居士	五六
與盧晉明居士	五七
與瑯琊空不空居士	五八
與吳康虞居士	五八
與威縣尹默齋居士	五九
與曲陽鮑明府	五九
與包澹然居士	五九
與盧思齋總戎	六〇
與包瑞溪學憲	六〇
觀西如師索書六不齋自責語	六〇
紋	

與陳代州居士 復稽將軍	六一
復罕峰道者貽蘋果	六一
與馮把總	六一
與于中甫潤甫伯仲	六二
與嘉禾諸文學	六二
與馮開之居士	六三
與項東源居士	六三
與張大心居士	六三
與王龍池方伯二書	六四
與傅伯俊居士 與徐太僕	六四
與王龍池方伯	六五
與曾舜徵居士	六五
與王宇泰居士	六六
跋某卷 與傅侍御	六七
與房山王明府	六七
與某 與傅侍御二書	六七
代張中貴作戒文	七〇
重修稽古寺記	七〇
與眞實居士三書 與某	七一
與某 與陸太宰	七二
跋持準提陀羅尼福用解	七二
明優婆夷薛氏塔銘	七三
示寂先師楞嚴寺住持了然和	
尚行狀	七三
附錄	
密藏禪師遺稿後跋 釋解印	七五

遺稿始末略言	釋契穎	七五
楞嚴寺規制紋	釋道盛	七六
密藏禪師定制楞嚴寺規約	釋道開	七六
小序		七六
分授基地		七七
均派糧差	朔望祝延	七八
官府支應		七八
方丈住持	茶參坐次	七九
叢林賞罰	禪堂規則	八〇
各庵規則	常住修造	八一
密藏禪師楞嚴寺禪堂規約		
明吳江接待寺監寺前徑山寂	釋道開	八三
照庵司藏念雲勤公塔銘并		
序	沈珣	八六
附刻徑山請書	圓昭等	八八
尊者與藏大師書		八九

密藏禪師遺稿

嘉興藏本

密藏開禪師遺編序

法界乃法界人自心共成之法界原不限人于聖凡同異人不以法界爲心不以法界爲事則彼人自異于法界非法界拒彼人也人能以法界爲心能成法界之事則法界是此人自能爲主亦非此人別主心外之法界也予初讀普賢行願品于諸供養中以法供養爲最乃至常隨佛學毘盧遮那如來從初發心精進不退以不可說身命而爲布施剝皮爲紙析骨爲筆刺血爲墨書寫經典積如須彌爲重法故以至與十方法界同證菩提猶念念不捨予乃大驚曰此

序一

正以法界爲身以法慧爲命而爲十方法界之主中王者也因發願作植聖草中有刻經著述章皆以法爲續佛慧命後讀徑山刻方冊藏緣起諸公極稱達觀大師與密藏開公能創發此大事且引昔有老尼以刻藏之緣自斷其臂誓開此板至沒身未完其徒小尼善繼師志亦斷臂而終其事予又訝曰此二尼豈海藏龍女能轉身爲大丈夫而成無垢界正覺乃今復有達密二師資而乘遮那如來夙願成此法藏之始終果海者乎此予所謂有能以法界爲心法界爲事者又誰于心外能同異之哉更有最異而可疑

者密公既從達師創刻藏因緣于五臺又議遷此板于雙徑楞嚴事將成而隱去却不能如彼尼子以終其前志而更遺憂于其師者何哉蓋天下美事造物不與人全密公知此舉將成不若讓功與同門者併力爲之使此板有終又或藉此自退以幾諫達大師處尤于無悔此非泰伯與夷齊以忠孝爲仁讓者何能若是乎今秋予倚杖皋亭門人樞子游雙徑值王祖叔居士談及往事因囑按指上人持其先祖密大師親書發願刻藏文卷及其遺編屬予爲敘及讀之乃知密公真不出予意之所逆也願文中以萬曆壬

序二

午于紹興見古寺殘碑載勝國時會稽郡大藏板凡七副因感泣刻板之在一郡者且爾其流通天下者當何如哉況我明僅南北兩板法道陵夷莫此爲甚遂願畢此生身命募刻方冊板廣作流通尋入橋李得觀達觀老師兼晤馮開之諸公業已先發是願即共訂盟從事予于此乃見二師真夙願再來不謀而合也至閱遺編雖是爲刻藏因緣與妙峯慈山諸大尊宿及陸五臺馮開之諸大老書劄其中多自敘參學及就事隨機激揚啟發非忠君愛國之微即本分生死之事或拈提向上機關或指點今時利害刀刀

見血殺活有神誰謂此公非了手人非登壇士其語非說法拈頰爲不可視如今時雜出之語錄乎因果不昧乃今六十年後有脚下兒孫如按指者搜出此卷編能使我輩贊成以公後世不獨大藏因緣愈見達大師能不惜身命爲法界主盟及諸名公之願力有光而此如來藏性種子更當熏發此五分法身也予方在長干命門人松影麟子與諸護法共修大藏梵冊板又得此證盟今日之願與有法界爲心者益不設自懈而成此主中主之大事云

戊戌秋日浪杖人道盛題于崇先之雙桂閣

序三



密藏禪師遺藁序

密藏開禪師遺藁法孫按指上人所收輯也。藏師英偉雄駿千仞壁立爲紫柏尊者上首法筵海眾所至雲涌定中知本師將有王難刺血上書一夕隱去師資閱現羣龍無首諸天鬼神猶不能測知而況於凡心凡眼乎。遺稿多所與羣公書問誣誘勸勉以扶正法刻大藏爲責任其爲人仕者教忠顯者教退亢者教隱競者教恬根器濡弱者醒之以月愛情塵軟煖者觸之以冷雲筆舌聰明自負宗眼者必勸其扳援搜其負墮俾命根剝斷而後已。智眼分明慈心諄複

錢序

熱血痛淚至今凌出於紙墨之上以方袍世外之人省邊略憂國計當責場欵塞之日抱靖康左衽之虞人謂其杖屨遠遁蓋已懸鏡今日非偶然也。國朝自楚石泐潭已後師絃絕響崛起爲紫柏海印二大師而藏師爲紫柏之嫡子龍樹言那伽或言龍或言象水行中龍力大陸行中象力大此三人者豈非龍象乎。難陀跋陀二龍王護持正法修羅將戰二龍王身繞須彌山動雲布以尾打水大海浪冠須彌初利天始知修羅欲戰而嚴攻伐古來尊宿大師現身出世蹴踏天下自然有如此氣象其不然者則騰蛇爾蜥

蜴爾種性既劣威神無幾顧亦欲噓雲喻霧激海水而冠須彌焉可誣哉。藏師此文皆叢殘不經意之作方諸二老如流星之奔灼灼燦燦作有聲曳其後而殷殷於天漢之間其它皆蚌珠爛火流照咫尺誰得而並之二百年來豪傑間作法運通塞文不在茲或者猶欲以餘分閭位竊竊然議其統系佛言譬如窮人妄號帝王自取誅滅孔子曰小人不知天命而不畏也可不懼哉。往在武林與天界覺浪和尚明燈夜談相對嘆息其爲藏師藁序亦出少分而浪老又順世去矣撫老摩娑泫然流涕者久之。

錢序

上章困敦之歲辜月長至後二日海印弟子虞山錢謙益謹叙



密藏禪師遺稿序

衆生證佛原以光明若度世非真則無生亦妄佛於歷劫後種種世界之事無所不知而善知識於數千里外數十季後之事未有一語中之者雖終日談空說妙求豪傑不退菩提心不可得也予生平未嘗究心內典而先君遊於紫柏尊者之門以密藏禪師爲畏友每言尊者門牆高峻而師穎悟絕人於書無所不讀先得長生久視之道自謂當世莫之與京初見尊者對坐引古今論性命尊者不答至三晝夜尊者知其機鋒已盡始語之曰吾以汝爲奇男子乃合

于序

涕矢噴人耶師大驚悟伏地叩頭流汗透體從此追隨杖履幾二十季師立志刻書板大藏流傳於世而尊者與馮太史輩已有同心萬曆丙戌師弟同入京師慈聖皇太后知有刻藏之舉欲發帑金命刻尊者謂宜令率土沾恩師願以一身任事遂撰文廣募隨立規條始於五臺之清涼後移於數徑之寂照師多方拮据親自較讐一時遺書諸名公大率爲此者再入京師將了園中自在之偈師知必及於禍遂刺血上書遁去尊者覽書墮淚曰吾尚有一副鉗鋸斯人去無所用之矣師不欲以文章自見故多散失

且無刻本今師之五世法孫按指上人欲竟師刻藏之志攜師遺稿來自徑山索序言於予將付之梓予捧誦之不覺掩卷歎曰嗟乎以命世之才逃入禪林無惟乎世事之莫辦也予不知佛法不敢強作禪語但能言吾所明不言吾所疑吾所明者未必是佛菩薩吾所疑者的是地獄餓鬼畜生則有一語普告緇素藏師當日談世事痛哭流涕如老成憂國每及陸沈愚者以爲狂言卽智者亦以爲過慮至今其言已孚於卜筮談佛法亦痛哭流涕如佛祖慈悲蓮生舌上不特大衆歡喜讚嘆得未曾有卽紫柏尊者尚視

于序

之若摩尼珠若獅子吼豈其了生死反不能如燈取影耶

金壇後學于元凱題於雲林之墨亮亭



密藏禪師遺稿序

丈室之內牀書連屋桐陰拂階予顧象之欣與影謀於時秋也幽煙冥緇空林綿濛素月炤開庭芙蓉映衰柳爲誦秋水伊人之句童子昇簾菊數本置几案間因燒燭看壁間影窓影靜影傲影竹月遙答影類禪機明妙渾脫瀏灑致足悟也夫俗世常懸于素勿歡顧獨耽本業偃息萬卷中比又涉禪鑽義義格拾義義牽鐵牛背虱苦無入處乃心獨好之謂有情水泮空境秋澄衆生總是佛身大地固非淨土也夫古德舒拳貴空能所真如弘覺務活慧根是以青蓮喻

序一

法重開劫外之花寶月麗空一洗區中之霧使道體淺薄徒墮聲聞牙藩口腥陳因相續庭檜何香西來何意此燈不傳久矣至若德契勝蘭聲追安遠探鷲峰之秘方襲龍對之芳猷意味其性月同明飛香與覺花齊散固已機鋒如箭抑且義學如淵則予于密藏禪師有深慕焉乃時遷世遠法語沉湮厥五世孫按指頴公欲紹刻藏之願蒐摭遺編竟得十耆舊之手而手澤箋疏復出之荒院之間雖禪師之慧覺長存乎亦頴公之善述也予友丹山吳山人爲頴公倡以壽之梓索并予予讀之見其或矢願于度生或

銳志于弘法或踵會元而直入或精彼岸而誕登或慷慨于家國天下之間或預識夫成敗興亡之際其克肩鴻鉅露之于重刻方冊大藏及興復楞嚴禪寺乃終蕭然絕塵彈說世羈之外何也要知海水非音闢蛇非字池艸奚關詩句江峰寧涉禪心然解者得之則陋彼橫榮珍斯天性故祖家欲燒故紙文家欲空萬卷軫雖殊道則一也所以涼雲香壑津寄惟深現函寶甃總成活句讀是編抑深予秋水伊人之思矣霜氣肅林月光透紙予將叅密師于蕭疎菊影間密師其許我否

序二

戊戌季秋止庵居士王祺題於溪上之松浮舫



刻大藏願文

手卷存之徑山另錄此策留

吳江周季華居士處俟藏事告成附刻
藏緣起後願力深廣定有繼起肩荷者
無慮其不克終也道開謹書為左券
本師和尚同

開之 仲淳兩居士證明

密祖願文刻於戊戌冬 諸大士願文并
券語辛丑五月壽光法姪從 吳江周安
石居士處得來亦時節因緣殊 還合滿之
意因全刻於帙時辛丑重九契願謹誌

願文

凡世間創一物建一事垂一語立一言必精誠兼
到故垂久而不沒即沒之而後有以慕思精感者
必獲焉按指公幼為沙彌時忽得密藏大師墨跡
刻藏願文如親授受而悲喜珍重後二十年又得
同時諸明公同日發願文今知密大師以書帙龍
藏流通天下後世雖功不與焉而不知彼時垂一
語一言皆精誠般若之流出今五世孫按公又得
輯而梓之行得而觀之能無慨繫數語以誌緣偶
云爾鏡花頭陀中行謹書於古梅蘭若



刻大藏願文

道開既難染即知作佛子當報佛恩蚤夜矢心願不知報
佛恩事當何出萬曆壬午從補恒天台詣武林於紹興道
中忽見古寺殘碑載勝國時會稽郡大藏板凡七副因感
泣思惟板刻之在一郡者且爾其卷軸流通在天下者當
何如哉適我 明僅南北兩板法道陵夷莫此為甚遂願
畢此生身命募刻方冊板廣作流通尋入橋李得侍 達
觀老師兼晤馮開之居士輩則老師暨諸居士業已先發
是願即共訂盟從事遑遑三載莫得其緒丙戌春走長安
籌之傳金沙居士輩反覆思究審知善建事者必先植本

願文

二

本植則枝幹卉葉自然叢成乃定以善信十人歲各捐貲
為唱緣又一人則各勸三人為助緣益分之既易為施易
為勸而合之則其貲甚裕又其功為有繼至於捐助之廣
勸發之多不可思議格量固自有 諸佛威光臨之諸善
信願力持之照剎事之初則不得不以是為定則也居士
等因一一發心且各疏其願盟之 諸佛并歸道開以為
他日經成之券道開藉十大士深心弘願得畢竟是事以
報佛恩即碎頭目髓腦作栴檀香充遍法界以供十大士
猶為未盡願與十大士共證之

萬曆丁亥春正月望比丘道開焚香謹書

刻大藏願文

密藏大師唱化國中刻全藏以廣流通此東土一
 大因緣也青原人曾乾亨一聞發歡喜心深惟下
 劣自聞佛乘以來日用四威儀中恍然別是一世
 界每誦內典一句一偈便覺靈根滋長矧此全藏
 如大雲雨克徧大地叢林卉木靡不沾潤欲報
 佛恩舍此流通奚先哉乃矢心自服官以至歸山俸
 貲隨分捐助轉相化導效此涓埃無始以來漏業
 消殞速徹無生及四恩三有微塵衆生同此願力
 同滅罪垢同悟菩提飲一滴慧水卽泛妙莊嚴海

要

三

出萬劫沉輪立証毘盧法身十方虛空尚有量我
 此宏誓永無邊

弟子曾乾亨百拜謹書

刻大藏願文

宅自小年每每衆聲宣揚

佛號則悲淚不能自止後讀 大阿彌陀經於吳縣
 齋中方及半而痛哭流涕襟袖沾濕亦自信夙緣非
 偶 佛恩難報但未知所以報耳及讀楞嚴有云將
 此深心奉塵刹是則名爲報佛恩乃知欲大報 佛
 恩莫若廣揚 佛教卽自今生今世以至萬劫千生
 虛空有盡我報無窮是以聞密藏上人流通大藏之
 議而欣然樂爲謀始且約諸名德共爲助緣在官則
 有俸可捐去官亦隨力爲施更復轉相勸化資益無

願文

四

方惟願 諸佛菩薩共作証盟旗塲起處工用咸來
 法鼓鳴時衆聲寂放大光明於無量世界布大利
 益於無量衆生人身有生老病死善念常存世界有
 成住壞空正法恒在宅願將頭目髓腦髮膚爪齒一
 碎爲微塵隨風飄揚分向各各世界各各衆生前贊
 此功德便使此二微塵身代一切微塵地獄諸苦有
 大歡喜矣宅有兒爾庚甫八歲似有種性者甚惟
 達觀老師及藏兄所憐今以身師事 達觀老師而
 以兒事藏兄助緣隨化父子共之云

弟子傅光宅薰沐和南謹書

刻大藏願文

我

佛菩薩視衆生沉沒苦流不啻身受其苦欲拊之覺岸乃竭其慈力因病授藥巧譬曲喻慇懃反覆誘掖衆生故有是一大藏稷自髫歲則喜讀其言今年已四十顧根器凡狹菩提涅槃尚在遙遠然歷諸患苦患苦恬謐歷諸險阻險阻坦夷仰荷慈力深遂難量旋視九界衆生其患苦險阻如稷者過於稷者殆不可勝計念是而不贊 佛弘化則真斷 佛種性之忍人慈值密藏師兄欲梓方冊

願文

五一

全藏以廣流通欣然契心遂尾諸淨侶長跼

佛前而說誓曰 願畢我形壽力荷此法藏苟可效我力靡所不自竭念昔 佛菩薩以此法藏故剝皮以爲紙析骨以爲筆書寫此經卷積如須彌山今此真丹國陟鰲瑩於玉無事以我皮克此法藏用使我皮可用剝所不敢辭域有棠氏筆無事析我骨使我骨可用析所不敢辭我今雖食貧檀貲當勉具歷仕及歸農隨緣力爲辦不直此一生願盡未來際常以此法藏普度諸衆生

那羅延窟學人瞿汝稷盥沐槃談書

刻大藏願文

文獻涸風塵久且根器鈍劣無能窺大道頃歲從達觀大師

密藏禪師稍聞緒論始知

佛恩最大欲報無繇中夜思之可勝慙報會

藏師兄倡刻全藏

諸同志捐貲助之間以語文獻文獻竊惟古之開士或以半偈捨身隻語析骨文獻悲夫哉乃敢遜於前茅而令大教流通法霖普被所以上報四恩下識種種罪業孰逾於此遂欣然願豫斯盟籍斯

願文

六一

願力或得早證菩提不致沉淪永劫云爾

丁亥春正月穀旦學人唐文獻

刻大藏願文

往在吳中聞

達觀密藏兩大師欲刊大藏因緣私竊喜之恨不日
夕就不自意復從傳金沙諸君子畢是願也歲丁
亥上元 密藏師約赴龍華道場各發願言成就
是事願儀稽首向

佛而說願言曰

山河大地本清淨云何世尊出世間四十九年所
說法胡為在在咸欽仰良由衆生夙業重非此莫
能成解脫試觀末世諸苦楚何者不由貪嗔癡使

變

七

得一聞半句偶豈不回心證所有奈何經義久寂

寥縱能持誦不自解儻使大藏徧

十方十方應有發心者聞今既已作是念我等寧無

贊嘆心願輸生平俸所得積日累年證斯果更為

廣約諸同好隨所布施報

佛恩唯願諸神咸擁護務俾佛法廣流傳凡我同盟

諸君子生生世世為眷屬

三世諸佛作証盟當知所願必成就

南嶽居士曾鳳儀薰沐拜手書

刻大藏願文

佛弟子琰少事血氣去書學劍適志表馬凡所為
泥犁種子事心快稱勝自與友人繆仲淳氏周叔宗
氏遊委曲導引痛恨前非及壬午籍仲淳侍
達觀老師得為

佛弟子乃灑然一洗舊習始知千生罪業半偈能銷
生死大事彈指可畢自非

諸佛衆生苦惱無有了期因知

佛恩當報願思報

佛深恩莫若闡揚

願文

八

佛化廣利羣生啣之已久未會其緣比以世澤來自

都門濫竊冠裳虛糜廩祿

國恩日重慚愧日深適吾 法兄密藏募刻大藏為

書冊揚法利生莫過於此遂發願捐歲俸唱斯勝緣

此經成日願盡大地衆生見者聞者一言半句觸著

磁著頰微圓明直取無上菩提惟此功德琰籍之報

佛恩報 國恩銷罪業又或朝市不久留當如歲

俸與大藏終始願王不動

諸佛證盟

萬曆丁亥正月望日佛弟子徐琰和南謹書

刻大藏願文

玉立始生徵母氏夢知先世從僧伽來既壯獲承事
達觀老師稱弟子始歸成法道十方三世佛事願一
肩荷之摩頂至踵致之

法王凡有一涓滴一毛髮可以報

佛恩奉揚 師訓者即蹈鑊湯爐炭令此身碎為微
塵立歡喜奮決蓋虛空可隕此願不可移也萬曆
癸未緣父母少所訓習詩書濫廁科名承乏郎署
服官以來虛糜廩祿無有尺樹寸效仰酬
國恩早夜慙懼會吾 法兄密藏募刻大藏遂發願

願文

九

捐每歲俸貲為唱緣即去官亦捐資如俸以終始
其事諦知建不世之勳庸不如為

國家廣一滴菩提水且立既暫作王臣便當作王臣
中佛事此功德願我

聖明發菩提心大揚慈化停毒蒼生又願此經刻成
盡大地有情見者聞者豁開智眼永息苦輪徹証
無生等躋覺位又願此經於佛法滅後放大光明
照耀一切願王不動

諸佛證盟

萬曆丁亥正月望日佛弟子于玉立和南謹書

刻大藏願文

惟明世染堅凝智種涼薄向惟有志翰墨及壯尚
不曉身心性命為何物釋典為何書萬曆甲申夏
友人繆仲淳氏自真州招余過義興之善卷得侍
達觀師稱弟子始知窺向然終以障蔽深重每展卷
即昏沉瞌睡先是明將發義興夢入大伽藍見鑄
巨鍾火光蔽天日以語師師謂此法音吼擊法炬
光明之兆今諸名卿開士欲別梓藏典廣流通爾
其或有緣于此藏中弘明集實文字般若前茅宜
先就梓啓世聾瞶爾亦可籍是蕩滌情染發榮慧

願文

十

種明遂從事如師命丙戌冬刻就緒以他務入燕
都會藏兄盟諸大士唱舉斯事明遂願與盟或自
力或籍他力願歲捐百金與斯舉相終始儻賴
諸佛菩薩冥加得溢于盟要之外尤至願也惟此願
主偏入塵刹即刳第一切法藏殞滅盡而我輩此
刻如金剛牟尼不毀不變於一切有情摧諸邪見
照諸昏暗滿足諸齡嶄困苦直至
彌勒下生遞續不乏惟

三世佛陀証知我願

萬曆丁亥四月六日弟子吳惟明稽首和南

刻藏發願文

袁了凡居士親書手卷真蹟現存
右梅菴比丘契真持律

我聞如是釋迦牟尼佛從周昭王甲寅季四月初八
自降生至周定王癸酉年二月十五日入涅槃正法
住五百季始于周定王甲戌年終于周貞定王癸
巳季像漂住世一千年始貞定王甲午季終梁元帝
癸酉末法住世一萬年始于甲戌至大明嘉靖癸巳
曆九百七十季弟子袁黃於臘月十一日建生後太
九千三十季癸丑滿一萬年月光菩薩出此方說法
度衆生滿五十二季入涅槃普楞嚴經般舟三昧經
先滅不現餘經次第滅無量壽經後百年滅至大惡

發願文

十一

立南嶽思大禪師發願誓求神丹大藥得長壽五通
修習禪定次求六神通具足一切禪門成無上遺度
諸衆生持令經教永永不滅修習苦行具足佛道功
德而見彌勒佛我今亦發願先求神丹大藥誓造全
部藏經書板普徧流通永立不滅
稽首歸命十方諸佛
稽首歸命十二部經
稽首歸命諸大菩薩四十二地諸賢聖僧
稽首歸命一切緣覺聲聞學無學衆又復
稽首釋梵四王天龍八部冥空善神護法大將袁黃

自惟無始以來迷失真性福緣淺薄上不得值釋迦
出在下不得蒙正法像法諸祖師提撕了性用是沉
淪六道枉受輪迴今幸生末法人道中誠心懺悔破
戒障道重罪勤修種種善道觀諸衆生現溺苦海不
願生天獨受樂趣觀諸衆生昏迷顛倒不願聲聞緣
覺自超三界觀諸衆生未成佛不願先取泥洹但願
諸佛憐我賢聖助我即賜神丹或逢仙艸證五通仙
果住五濁惡世救度衆生將此深心永奉塵刹面見
月光菩薩助揚聖教復同南嶽思大禪師齊見彌勒
親蒙授記所刻藏經時將廢壞即出修補力持大法

發願文

十二

永不息滅又願得六神通智慧頓開辯才無量一切
法門靡不精達世間衆藝高擅古今使外道闡提垂
首折伏又願祿位偕崇才德並茂凡所施為皆有實
際播種希稷河渠效禹敷教同契制佐侔姬旦刪述
齊孔丘種種勲烈萬古永賴馮籍寵靈護持正法禁
塞邪途闡明正教使朝廷設科取士皆由釋典衆生
從賢年受學即聞佛誨所刻藏經人人樂檢立世勤
持灑布無窮不可思議非貪季壽非慕名聞非耽富
貴利達為護法故不辭塵世特假勲名佐如來之金
湯護正法于無盡懇求滿願日誦